





原件短缺

P1-P5

山西道事廣西道監察御史臣張泰交謹

題為

請酌八旗賭博之例分別定擬以垂法守以廣

長手部
振錄西
請是也

皇仁事臣竊惟至嚴者明勅之意至平者欽恤之心我

廣西道
張泰交

皇上天覆地載克寬克仁協中之治無以加矣猶慮律

有未精

特命刑部重加訂定誠欲斟酌盡善永垂萬世者也臣

辦事衙門協同法司諸臣會審案內見旗下賭博

處分之例極為詳備其無關於死罪者無容置喙

獨絞罪一條內開賭博事發將開局抽頭之人及容留房主俱照光棍為從治罪擬絞秋決此實我皇上深見賭博惡習不加以嚴刑其風不止無非欲望而知警各歸本業而已邇年以來人知畏法賭風頓息乃猶偶有一二愚頑私相容賭此即置之死地亦何足惜但臣細查經審諸案如滿丕擬絞矣其家所賭之錢則三千一百文也色玉爾岱擬絞矣其家所賭之錢則五百七十文也薩木哈擬絞所賭之錢則僅一百八十八文也蠢爾無

以無幾之錢自罹死刑臣下筆書題不覺心

為之動伏讀刑部則例篇首開奉

聖諭人命關係重大朕心深用惻然其定律之外有

例如罪不至死而新例議死者着九卿詹事科道

會同詳加酌定確議具奏欽遵大哉

王言誠古帝王下車解網之弘仁也臣仰體我

皇上如天好生之德謬陳管見懇請

勅部酌議嗣後拿獲賭博其開局抽頭容留之人仍擬絞罪以示不可犯但必以當場銀錢多寡之數

定爲處分之法若干兩以上者絞不及若干兩者
枷號鞭責加賭博人一等其或有枚馬記數以少
爲多者審實乃坐如此則旣無或縱之法亦無不
協之情輕重允宜寬嚴各當可以垂諸萬世而無
弊矣如果臣言可採伏祈

勅部議覆施行康熙三十四年六月廿五日具

題七月初一日奉

旨嚴禁賭博原以懲警無良使永除惡習俾八旗兵民
生理若論錢數多寡分別輕重則強盜得財

卽坐何嘗計贓張不知立法初意請改定例殊屬
不諳不准行該部知道

本年八月十七日奉

行在清字

上諭因賭博擬死罪在獄監禁另戶滿洲蒙古漢軍犯
人并因賭博現今拿獲在門另戶滿洲蒙古漢軍
俱各釋放與來兵一同前往令其軍前効力又因
姦伊妻射死鄂布素之明五暫行釋放亦令其同
往効力俟回兵之日照常擬議

愛神堂集 卷之十
本年

聖駕回鑾將前項人犯盡數免罪釋放

昔宋盛時有歐陽觀爲囚求生孫立節論情從法
蓋上有欽恤之主故廷臣仰體其心以期刑錯今
公酌八旗賭博之例請以錢穀多寡分別罪之重
輕豈非上體如天好生之德而思仰贊

皇仁者歟不知立法初意懲警無良原欲永除惡習大
哉

王言更有符於治世以大德不以小惠之旨及讀八月

十七之

上諭與

回鑾之恩赦又實感動公言而曲以成之如山之法不
容更也哀矜之情無弗協也刑期於無刑

上下同心古帝臯陶之風真復見於

今日矣

屬下吏程鑾謹識

巡視北城廣西道監察御史臣張泰交謹

題爲直糾順天鄉闈冒籍之弊以肅法紀以杜倖進
事欽惟我

皇上加意右文科場條例周詳慎重今秋鄉試蒙

恩廣額海內士子莫不懽忻鼓舞頂感

皇仁矣臣獨於順天鄉闈冒籍一事有不能緘默者查

定例監生中式分南北皿字號照額取錄所以均
聖澤嚴混冒也乃竟有非生非俊之徒明係白丁混行
入場其中有租賃空白實收填爲俊秀假冒籍貫

者有實收亦真張冠李戴頂替姓名者中則補捐
償值不中則租費無幾終南捷徑羣相效尤該部
以京官印結爲憑京官以本人實收爲據遂至莫
可究詰榜發之後物議沸騰如北皿字號中式舉
人真姓名真籍貫者不過數人其餘盡屬假冒
臣
謹就察訪的確者爲我

皇上陳之如第八名王曰嘉順天大興俊秀其實紹興
人本姓鄒也第十六名張英俊順天寶坻俊秀其
實杭州府學生員本名沈載錫本省爲人頂替學

臣
革除者也第二十一名吳廷楨陝西靜寧俊秀
其實吳縣生員本名吳濤也第二十二名祝萬選
河南南陽監生其實武進人本姓錢也第三十三
名邵之政順天大興俊秀其實浙江人也第四十
八名楊國維順天大興俊秀其實高郵人本姓賈
也第六十三名史慶義山西太平俊秀其實江都
人也第一百名邵元龍真定柏鄉俊秀其實江南
人也第一百九名丁珍順天宛平俊秀其實江南
人本姓汪也第一百十九名盧軒順天大興俊秀

其實海寧生員本名盧輅也第一百二十六名蘓亮禮河間故城俊秀其實江南人本姓陳也第一百五十九名蔣璣順天大興俊秀其實江南人本姓莊也夫中式額數載在定例難容紊亂彼有徼幸之喜則此多淪落之悲况此等巧於假竊之輩安知非卽慣於鑽營之人乎查科場條例內云冒籍之禁非專嚴地界實以察核素履若有冒籍中式者革去舉人發回原籍當差另查有詐僞夤緣等情依律治罪等語煌煌

功令炳若日星何敢藐視至此伏祈

勅下該部逐一訊其實收之所由來直窮到底嚴加處分則取士大典庶可肅清矣抑臣更有請者監生

入場例取京官及五城兵馬司印結夫京官與五城兵馬司不過數人豈能盡天下之士子而一一

辨其真僞

臣

請嗣後監生在順天應試者着取原

籍地方官印結方准入場如有假冒該地方官一

併治罪則冒濫倖進之計窮矣

臣

職司糾彈不避

嫌怨據實直叅如果

臣

言不謬伏祈

受補堂集 卷之十
乾斷施行九月十三日具

題本月十九日奉

旨該部嚴察議奏

禮部

題爲直糾順天鄉闈等事議得御史張泰交叅本內
稱今秋闈鄉試順天中式內王曰嘉等十二人俱
行假冒籍貫租賃空白實收填爲俊秀張冠李戴
頂替姓名入北皿應考中式等因題叅據吳廷楨
邵之政楊國維邵元龍丁珍盧軒蔣璣供我們並
無改換姓名租賃空白實收填爲俊秀冒名頂替
之處我們因族人與母舅俱在北方居住將我們
過繼爲子有十餘年的有八九年的且北方現有

田地房產俱在北方納監但係微賤之人不知定例於北皿應考南方人是實有何辯處俱自認不諱查科場條例內開籍貫假借者革去舉人發回原籍當差應將吳廷楨邵之政楊國維丁珍盧軒蔣璣照例革去舉人發回原籍當差蘓亮禮雖供我是直隸故城縣人祖父產業現在故城縣城南徐家庄墳在鄭家口御河邊我不是南方人因從江南師傅讀書所以我的聲音像江南人的聲音但御史張泰交叅本內稱蘓亮禮江南人本姓陳

聽其聲音是江南人的聲音揆此故城縣人是虛應將蘓亮禮亦照冒籍例革去舉人回原籍當差史慶義供我祖是山西太平縣人到揚州行鹽消乏因此住在江都縣了我是江都縣生的舊例在揚州應試則寫山西商籍納監則寫山西民籍我的父親伯叔俱寫山西商籍入揚州府學我係監生故在北皿應試是實查舊例鹽商往他省行鹽消乏雖在他省居住在考時仍寫本省籍應考相應咨行該撫并地方官將史慶義果否係乏商之

子查明到日再議祝萬選供我是河南南陽縣人
曾祖祝文星祖祝興祖父祝復奇向在南陽縣居
住墳墓田地俱在左所一甲完糧本縣糧冊可查
康熙二十八年河南南陽縣進學二十九年補
廩現有部冊可查如果是江南人我來科舉時南
陽如何肯出印文與我並無冒籍等情查二十八
年二十九年河南解部學冊內有萬選姓名其科
舉來時又據南陽縣出具印文應將祝萬選免其
黜革其王曰嘉張英俊順天府及五城各呈稱遍
查無踪應將伊等革去舉人查獲到日其脫逃之
罪交與刑部其將冒籍吳廷楨等以爲北方之人
出具印結之西城兵馬司俞允捷副指揮周天章
北城兵馬司蘭仙種應交與吏部議處至祝萬選
旣免黜革其出具印文之南陽縣張光祖應母容
議查得康熙十六年順天鄉試御史范承勳題叅
冒籍舉人顧用霖等部議將正副主考交與吏部
議處又查十八年河撫董國典具題冒籍王夢求
革去舉人其正副主考俱援

赦免議又查二十三年雲南鄉試原任撫臣王繼文
檢舉冒籍一案未經議處正副主考現行科場條
例內未載有因冒籍議處正副主考之處但十六
年順天鄉試題叅冒籍舉人將正副主考交與吏
部議處今應將正主考曹鑑倫副主考張希良亦
照十六年例交與吏部議處查科場條例內未載
有因冒籍議處正副主考之處又查從前有因鄉
試冒籍將正副主考交與吏部議處者又有未經
議處正副主考者其例不一嗣後鄉試如有冒籍
中式者將正副主考官交與吏部議處又御史張
疏內稱嗣後監生在順天應試者著取原籍地方
官印結方准入場如有假冒該地方官一併治罪
等語查得順天鄉試各省來應試者各取本地方
官印文來應試若在京者取京官正印官結應試
嗣後順天鄉試應如御史張泰交所請一槩令其
各取本地方官印結但遠省之人在京者若取本
地方官印結往返路途迢遠跋涉艱難或致有不
得與考有負

皇上作養士子之至意查舉人就教之例近省三科不
中方准就教遠省一科不中卽准就教應比照此
例其近省士子令其取本地州縣衛官印結其遠
省雲南貴州四川福建廣東廣西湖南甘肅此八
處之在京應試者仍取正印京官印結或取同鄉
官保結親身赴部投遞如有假冒將出結官員一
併照例議處可也奉

旨依議

吏部

題爲直糾順天鄉闈冒籍等事吏科抄出禮部
題前事奉

旨依議該_臣等議得禮部疏稱順天鄉試據吳廷楨等
供我門因族人與母舅俱在北方居住將我們過
繼爲兒子且北方現有田地房屋俱在北方納監
應考南方人是實俱自認不諱應將吳廷楨等照
例革去舉人發回原籍當差其將冒籍吳廷楨等
以爲北方之人出具印結之西城兵馬司指揮俞

允捷副指揮周天章北城兵馬司指揮蘭仙種交
與吏部議處等因前來查現行科場條例內未載
有因冒籍議處正副主考之處但康熙十六年順
天鄉試題叅冒籍舉人將正副主考議處今應將
正主考侍講學士曹鑑倫副主考侍講張希良亦
照康熙十六年例交與吏部議處等因前來查康
熙十六年順天鄉試舉人顧用霖等冒充北籍禮
部將不行檢舉之正副主考修撰彭定求胡會恩
交與臣部議處臣部將正副主考均議革職具題

奉

旨考試官向來原未定有題叅冒籍之例這所議太重
着再議具奏欽此臣部議覆將正副主考彭定求
胡會恩各降一級留任在案曹鑑倫將吳廷楨等
係江南浙江人充入北籍考試出場後不行檢舉
題叅爲此將正主考曹鑑倫副主考張希良亦照
康熙十六年鄉試例各降一級留任再查十六年
因給顧用霖等印結將大使趙國用等革職在案
兵馬司指揮俞允捷等出結時應真知各人籍貫

受刑堂集 卷之十一
方應出結吳廷楨等係江南浙江人結爲北方人
殊屬不合爲此將兵馬司指揮俞允捷蘭仙種亦
照十六年例均應革職奉
旨曹鑑倫張希良俱着降一級留任餘依議

禮部

題爲直糾順天鄉闈等事議得御史張泰交爲直糾
順天冒籍等事一案先經臣部議覆將史慶義果
在山西太平縣乏商之子查明到日再議行文該
撫去後今准該撫宋學咨稱史慶義實係在揚州
行鹽乏商史衡之子山西太平縣籍父伯叔俱由
原籍入揚州府庠竝無假冒情弊取有慶義之祖
史利行商有名綱冊竝族長與鄉保人等甘結粘
連府縣印結等因前來查舊例鹽商往他省行鹽

消之雖在他省居住考時仍寫本省

既稱史慶義果係乏商之子取具印甘

前來應將史慶義免其斥革其收考送考等官

無庸議可也奉

旨依議

破資格所以收非常之才而嚴始進所以肅一

之法兩者可以交相用而立法不可以混同是故

野有遺賢於科目外另闢門以顧之可也若科場

一定之條例使籍貫無稽頂替罔察則旁竇一開

後有一往而不可禦者故破格者立賢無方之心

也糾叅者執法不回之職也惟其能盡執法不回

之職而後無失乎立賢無方之心昔李潛教其子

弟曰汝虔州人貫開封戶籍欲求事君而先欺君

可乎嗚呼君子之于始進也立其誠讀此疏者知

所以取人即知所以事

君矣

屬下吏程鑾謹識

協理浙江道事廣西道監察御史臣張泰交謹

題為遵

諭陳言俯竭芻蕘之愚仰贊昌隆之治事我

皇上勵精圖治宵旰不遑三十餘年弘綱細節釐然備

舉臣遭逢

聖世無可敷陳徒以素餐為愧茲者奉

詔求言懇切備至凡屬言官莫不惶悚無地感激思奮

伏讀

上諭諄諄以間閭疾苦官吏貪邪為念蓋兆姓乂安百

受刑堂集 卷之十一
爾奉公古帝王致治之能事畢矣然則民情壅於
上聞吏道雜而多端時政之急務未有大于此者
臣謹謬陳一得伏祈
皇上採擇焉一日督撫狗庇之積習宜大破也閭閻疾
苦官吏之貪邪爲之官吏貪邪督撫之狗庇爲之
臣閱科臣劉蔭樞疏內言河南百姓塞縣官之門
平陽百姓圍縣官之室等語蓋貪邪旣甚則疾苦
難堪挺而走險急何能擇科道者

朝廷耳目之寄也外吏貪邪豈盡衰如充耳者良以據
實指叅必行該督撫查審督撫卽不爲屬員寧有
不自爲者言官極爲縷指督撫巧爲脫卸言事不
實之處分部臣已執簡而議其後矣此所以觀望
不前也臣請

勅下爲例嗣後科道有叅司道府州縣等官者該部將
各部院官盡數開列聽候

皇上特遣公正廉明一人前往察審則外官知狗庇之
不可恃將有所顧忌而不敢肆虐矣一日捐納未
到之冊籍宜嚴催也秦省捐納事例奉

受補堂集 卷之十 三
旨久停乃包攬積棍紛紛抵兌種種誑騙不可究詰大
率入公帑者十之半飽私壑者十之半如何鉞等
二百九十四人原報冊內有名而該撫奉查又報
無名至失火另換之冊尚未查對符合與否未可
知也名器何等鄭重積貯何等緊要印信何等關
係竟任意簸弄兒戲至此業已奉

旨察審盡在

聖明洞鑒中矣獨是長安永壽華陰之冊遲延數年迄
今不報積棍欺詐之術又轉而以三縣爲市是冊

籍一日不到奸弊一日不止卽如臣去年直糾順
天鄉闈冒籍一疏其假填實收者非長永卽華陰
可知冊旣到者無所售其僞冊未到者尚得容其
奸也祈

勅部勒限嚴催如再違延治以加等之罪庶公帑不
至久虧而奸弊有所底止矣緣此二者有關民生
吏治之大故不敢緘默如果臣言可採伏乞

睿鑒施行爲此具本謹題請

旨康熙三十六年二月十八日具

題二十六日奉

旨該部議奏

吏部

題爲遵

諭陳言俯竭芻蕘之愚仰贊昌隆之治事吏科抄出協

理浙江道事廣西道監察御史張泰交題前事奉

旨該部議奏欽此該臣等會議得協理浙江道事廣西

道監察御史張泰交疏稱督撫狗庇之積習宜力

破也民生之疾苦有司之貪邪督撫之狗庇爲之

科道者

朝廷耳目之寄豈盡衰如充耳良以指名糾叅部議必

行督撫卽不爲屬員寧有不自爲者臣請嗣後科道有叅司道府州縣等官該部將各部院官開列

聽

皇上欽點公正廉明一人前往察審則外官知狗庇之不可恃將有所顧忌而不敢肆虐等因前來查康熙八年六月內原任都察院左都御史尼滿條奏稱百姓困苦于不肖官員之朘削而困苦于差役之繁劇者亦自不淺凡預備差遣往來官員之船隻夫馬無一物不取于民間是百姓有限之膏脂實

難堪此各省督撫乃一省大臣除軍

國重大事情仍由內差外其他事件俱責成各督撫如此則減一差百姓卽免一差之苦等因吏部差遣往來官員船隻夫馬供應等物雖有額設錢糧而貪官污吏借此加派侵漁民間亦未可知以後除奉

旨差遣外其他事件應停差遣專責督撫如督撫有隱匿狗庇從重治罪等因具題奉

旨依議欽遵在案應將臺臣張泰交條奏之處無庸議

又疏稱捐納未到之冊宜嚴催也秦省捐納事例奉旨久停獨是長安永壽華陰之冊迄今不報積棍魍魎之術又轉而以三縣爲市是冊籍一日不到奸弊一日不止仰祈

勅部勒限嚴催如再過期作何處分庶公帑不致久虧而奸弊有所底止等語查先經陝撫黨將西安府屬商南等五州縣捐冊送部戶部行令該撫將果否當時所捐其捐納米石實在有無至長安華陰永壽此三縣捐冊一併親身確查保題等因

具題准行在案今該撫將商南等五州縣所捐米石查明保題其長安等縣捐冊另行造報等語今臺臣張泰交旣稱長安等縣未送捐冊應限日咨送應行令該撫文到兩月內將長安等縣捐冊遣官送部至捐納米石該撫親身確查保題如再遲延將該管官員指名題叅可也奉

旨依議

旨

取

旨

旨

旨

旨

旨

戶部

題為遵

諭陳言俯竭芻蕘之愚仰贊昌隆之治事戶科抄出陝

撫巴

題前事奉

旨該部議奏欽此該臣等查得先經監察御史張

長安等縣捐冊迄今未報應勒限嚴催如再過期

作何處分庶公帑不致久虧而奸弊有所底止等

因條奏吏部會同臣部令該撫于文到兩月內將

長安等縣捐冊遣官送部至捐納米石該撫親身
確查保題如再遲延將該管官員指名題叅等因
具題行文在案今據陝撫巴 疏稱長安華陰永
壽三縣捐冊屢行嚴催限期已逾尚未造報所有
造冊遲延之長安縣知縣謝嵩齡華陰縣知縣董
盛祚永壽縣知縣萬廷詔督催不力之西安府知
府祖業弘均難辭咎等因題叅前來查造冊遲延
違限之長安縣知縣謝嵩齡等三員併督催不力
之西安府知府祖業弘理應俱交與吏部議處但
伊等事在康熙二十六年七月十九日
赦前相應免交吏部仍行令該撫限文到將捐冊作
速遣官送部如再遲延將該管官員指名題叅到
日交與該部從重議處至捐納米石仍令該撫親
身確查保題可也奉

旨依議

戶部

題為遵

諭陳言俯竭芻蕘之愚仰贊昌隆之治事戶科抄出陝

撫巴

題前事奉

旨董盛祚着議處具奏該部知道欽此該臣等查得陝

撫巴

疏稱華陰縣捐冊准部咨隨行藩司今據布政使禪布將職名開報臣思事例停止已久據

實查造旬日可完乃一任行催置若罔聞明係虧

空無補故意抗延希圖包攬以爲那掩之計情弊顯然實不能爲華陰縣知縣董盛祚寬也相應題叅等因前來查華陰等縣捐冊先經該撫巴以兩月限滿題叅臣部以事在

赦前免交吏部仍令該撫限文到之日將捐冊作速遣官送部等因具題行文在案今華陰縣捐冊以文到之日又逾限兩月仍未造送應將董盛祚造冊遲延之處交與吏部議處併行令該撫會同總督將捐冊以文到作速遣官送部可也奉

旨依議

貪邪者吏治所不容積貯者民生之至切使貪邪容或徇庇求閭閻有安而無危不可得矣使積貯稍失稽察求國計之常盈而不絀不可得矣民生之疾苦由於吏治之貪邪吏治之貪邪由於督撫之徇庇吏道所以雜而多端也捐納冊籍一日不到奸弊一日不止奸弊一日不止名器一日不清公帑所以久而必虧也民生吏治之大故奉

旨陳言未有切於此者慷慨激昂不遺餘力足與敬輿

封事竝傳

屬下吏任鑿謹識

掌山東道事廣西道監察御史臣張泰交謹

題爲山左饑民乏食急請

聖恩撫恤以免流離事臣伏覩我

皇上愛民如子厚澤深仁周天匝地近因山西撫臣倭
倫爲瀝陳地方等事奉

旨據奏平定隰州等十一州縣連年歉收米價騰貴民
間乏食甚屬艱難等語朕心深爲軫念這十一州
縣所欠三十六年錢糧數目行令該撫查明到日
蠲免着將各倉所貯米谷卽照所題速支賑濟毋

致流離失所有妨耕種該部知道欽此仰見我

皇上保赤如傷卽古帝王已溺已饑之心不是過也乃

臣竊聞山左之饑僅無異于山右兩月以來東路來者目擊沿途啼饑之狀如出一口臣確訪其故

緣比歲不登去年復遭旱澇遂致米價騰貴如黃豆高糧每斗價值一百六七十文不等大路客店頭插草標鬻子賣女者絡繹不絕其最苦者無如濟南府之泰安新泰萊蕪等州縣兗州府之嶧縣沂州郟城費縣等州縣青州府之諸城蒙陰莒州

沂水日照等州縣而泰安州爲尤甚該州亦設法煮賑乃人多粥少甚至垂斃者食餓死者之肉以延殘喘此等情形卽令傳言太過然其爲地方災荒斷斷無疑矣值此野無青草之際東作方興錢糧開比若不急加拯救勢必流散四方臣辦事衙

門見山東撫臣李煒爲酌撥倉谷等事一疏內稱將泰安歷城等州縣積貯之米變價移補他州縣米少之倉夫泰安飢荒至此長安道上人人皆知乃不爲民請命反欲挹茲注彼則此方赤子欲求

下情上達於

聖明之前終無望矣臣思積貯所以爲民也倉多紅朽而野有餓莩不幾重負我

皇上綢繆至意乎伏祈

皇上密遣親信廉能一員單騎星往看視勿令會同該撫以滋隱諱之弊則閭閻疾苦可以立見矣至於作何緩徵作何發賑速爲舉行之處

皇上自有浩蕩弘恩其山右一視同仁者無俟臣之瀆陳也臣從地方民生起見不敢隱默如果臣言可

採伏祈

睿鑒施行爲此具本謹題請

旨康熙三十七年二月初九日具題本月十日奉旨該部速議具奏

戶部

題為山左飢民乏食急請

聖恩撫恤以免流離事戶科抄出掌山東道事廣西道
監察御史張泰交題前事奉

旨該部速議具奏欽此該臣等查得廣西道監察御史
張泰交條奏疏稱山左之飢饉無異于山右山左
比歲不登去年復遭旱澇米價騰貴鬻子賣女者
絡繹不絕其最苦者無如濟南府之泰安新泰萊
蕪等州縣兗州府之嶧縣沂州郟城費縣等州縣

青州府之諸城蒙陰莒州沂水日照等州縣而泰安州爲尤甚其爲地方災荒斷斷無疑矣值此野無青草之際東作方興錢糧開比若不急加拯救勢必流散祈遣親信廉能一員星往看視則閭閻疾苦可以立見至於作何緩徵作何速爲發賑之處伏祈

睿鑒施行等語又福建道監察御史靳 條奏疏稱山左濟南府屬之泰安州新泰縣萊蕪縣兗州府屬之沂州郟城縣泗水縣費縣青州府屬之日照縣

沂水縣莒州蒙陰縣諸城縣等處連遭水旱去歲薄收米價騰貴小民艱食迨入春以來而資生無策賣男鬻女相望在道各處常平積貯爲數尚多請將三府各邑所積之谷石速賑各邑待哺之飢民多方拯救至州縣積貯所在虧空及至賑濟往往拘逼鄉保呈報富戶抑勒捐助不應則禍患隨之祈

勅下該撫嚴查禁止等語查去歲二月內山東巡撫李將積谷于青黃不接之時照例出糶三分米價不

致騰貴實有利于民生谷多之處糶三之外量借窮民等因具題奉

旨准照該撫所題續准該撫又以東省去歲秋收歉薄十二月內率同在省司道府廳捐助通省各屬官員竭力倡捐煮粥賑濟以及三月但麥熟時日尚遠不敷接濟請將積谷酌量動支賑至麥熟等因具題奉

旨准照該撫所題在案今御史張 靳 疏稱山東濟南等三府屬泰安等十三州縣比歲不登去歲復

遭旱澇米價騰貴小民艱食其爲最苦請速賑濟等語相應行令該撫親身速往泰安等州縣查勘如有實不能糊口民人一面賑至麥熟時一面題明今歲錢糧作何徵收之處亦令查明具題此賑濟務使飢民均沾實惠如有虛捏不賑濟飢民將該撫司道官員從重議處至各州縣地方積貯谷石見今竝無以虧空具題如有地方官賑濟之時勒民捐助私派等弊已有從重治罪之例應將題請禁止之處毋容再議又疏稱山東巡撫李 將

受補堂集 卷之十一
泰安歷城等州縣積貯之米變價移補他州縣米少之倉等因具題夫泰安飢荒至此乃不爲民請命反欲挹茲注彼則此方赤子欲求下情上達於聖明之前終無望矣等語查見准東撫李以泰安歷城等州縣糶谷銀兩撥給新城等州縣買谷等因具題應于彼案內議覆可也奉

旨這事情爾部保舉賢能司官二員前往會同該撫一面賑濟一面奏聞

宋慶曆八年河朔大水民流京東者不可勝數時

富鄭公弼知鄆州自鄆移青勸所部出粟得十五萬斛益以官廩擇公私廬舍十萬餘區散處其人以便薪水官吏自前資待缺寄居者皆賦以祿使卽民所聚選老弱病瘠者廩之仍書其勞約他日奏請受賞率五日輒遣人持酒肉飯糗慰藉出於至誠人人爲之盡力山林陂澤之利可資以生者在流民擅取明年麥大熟民各以遠近受糧歸凡活五十餘萬人募爲兵者萬計天下傳以爲法所活者不知幾千萬人邵伯溫曰公知青州活饑民

每自言之曰過於作中書令二十四考矣公所以
自任者世烏得而窺之哉今公蒿目時艱披忱入

告

天子嘉納宵旰殷勤多方賑濟卒使全齊人慶更生家

安樂土仁人之言其利溥哉

屬下吏程鑾謹識

巡視長蘆鹽政山東道監察御史臣張泰交謹

奏爲恭謝

天恩事康熙三十八年閏七月

日奉都察院勘劄

爲臺員內陞外轉事奉

旨張泰交着內陞外轉著停止這一次欽此欽遵劄行

到臣隨即恭設香案望

闕叩頭謝

恩訖伏念臣西晉鄙儒南滇末吏蒙我

皇上拔置臺班五載素餐捫心自愧又蒙

簡命巡視蘆鹺雖勉竭駑駘而時憂隕越復蒙
特旨優賜內陞臣奉差在外開列無名乃

聖心簡在

寵命自天

隆恩異數超出尋常臣卽捐糜頂踵何能仰報萬一亦
惟有精白自矢益加砥礪而已除候新差鹽臣陳
齊永到日遵例親身交代卽行赴部候補外合先
具疏恭謝

天恩

提督江南通省學政太僕寺少卿加五級臣張泰交謹

題爲恭報微臣受事日期事竊臣一介庸愚叨列卿
班涓埃莫報復荷

特恩視學江左自顧謏劣益切悚惶恭領

勅書後

陛辭

天顏跪聆

聖訓蒙我

皇上諄諄教誨無微不至臣惟有鏤骨銘心勉竭駑鈍

以仰答

高厚於萬一耳茲臣已於康熙三十九年四月二十八日抵淮安府清河縣地方准前學臣張榕端委淮安府學教授吳希古齎送

欽頒提督江南學政關防一顆竝文案前來臣隨即恭設香案望

闕叩頭謝

恩祇受訖除一切學政事宜容臣次第舉行外所有接受印事日期理合恭疏

題報伏乞

皇上勅部查照施行

提督江南通省學政大理寺卿加五級臣張泰交謹

奏爲恭謝

天恩事康熙四十年四月二十五日承准戶部照會內
開爲補授卿員事准吏科抄出本部題前事康熙
四十年三月二十三日題本月二十八日奉
旨張泰交陞補大理寺卿欽此欽遵相應照會爲此照
會前去查照施行等因到臣隨恭設香案望

闕叩頭謝

恩訖伏念臣猥以愚拙屢荷

愛初堂集 卷之十
聖恩不次拔擢又以江左人文重地

特簡持衡受事以來歷考十府一州雖公慎自矢而愆

尤滋懼方慮報稱無由何意

新綸忽至驚九列之

寵榮增寸衷之惶悚身非木石感而欲泣亦惟有勉竭

駑駘以仰答

高厚而已臣謹繕疏恭謝

天恩伏祈

睿鑒施行

提督江南通省學政都察院左副都御史加五級臣張泰交謹

奏爲恭謝

天恩事康熙四十一年閏六月初九日准吏部咨文內

開爲補授副都御史事文選清吏司案呈吏科抄

出本部題前事康熙四十一年六月初九日奉

旨張泰交陞補都察院左副都御史欽此欽遵抄部送

司相應行咨前去欽遵查照施行等因到臣隨恭

設香望

闕叩頭謝

恩訖伏念臣至愚極陋持衡無狀校士方半卽荷
特恩超遷廷尉夙夜兢兢惟恐鮮克有終上負

聖明今雖歲科兩考黽勉告竣而大邦才藪惴惴然時
切遺珠之懼乃復蒙

高厚特陞副都御史悚惶無地感激何涯惟有益殫愚
悃仰圖報稱而已臣謹繕疏恭謝

天恩伏祈

睿鑒施行

提督江南通省學政刑部右侍郎加五級臣張泰交謹

奏爲恭謝

天恩事康熙四十一年閏六月二十五日准吏部咨文
內開爲補授侍郎事文選清吏司案呈准吏科抄
出本部題前事康熙四十一年六月二十九日奉
旨張泰交陞補刑部右侍郎張泰交員缺着將張睿補
授欽此欽遵相應行咨前去查照施行等因到臣
隨恭設香案望

闕叩頭謝

恩訖伏念臣衡文三載負疚多端報

國無能受

恩逾分副都御史之

命方新刑部侍郎之

旨又下一月兩遷

寵榮已極臣驚聞之頃惶懼不知所措自顧謏劣卽捐

糜頂踵何能仰酬

高厚於萬一亦惟益勵忠貞勉圖靖共已耳臣謹繕疏

恭謝

天恩伏祈

睿鑒施行

提督江南通省學政刑部右侍郎加五級臣張泰交謹

題爲遵例報滿事竊臣於康熙三十八年十二月內
蒙

皇上特簡視學江南臣受事以來念人文重地日切悚
惶乃屢荷

聖恩一歲三遷自顧謏劣捐糜曷報今歲科兩試已竣
三年職守久蒙

聖明洞鑒無庸瀆陳者伏查康熙十八年吏部題覆憲
臣魏象樞條陳學道一官等事疏稱學院任滿亦

將剔除十弊之處開明具題臣謹遵例

題報查原疏開列十弊一曰童生未經府考徑取入學臣按考所至惟據提調官呈送府取童生案冊收考一應大收揭帶槩不准行竝無府冊無名徑取入學之弊二曰考試童生額外溢取撥發別學臣考試文武童生悉遵大中小學定額取進竝無溢取撥發之弊三曰彌封坐號紅簿不發府州縣收貯臣每當考試卽令提調官將原簿收貯俟閱取已定發卷令其拆號對填姓名竝無收署不發之弊四曰不將紅案速行發學臣每考定生童發卷令提調官對簿填案懸示之後隨卽據冊印發紅案竝無遲延之弊五曰令書承快手先開六等草單嚇詐臣減從巡歷嚴禁胥役招搖考校優劣臨時手定竝無透漏消息之弊六曰將文充武入學之後夤緣改文臣於文武童生各照額考取分發紅案隨卽造冊分報禮兵二部竝無以武作文之弊七曰憚於親臨遠調考試臣於各屬考棚逐一親臨竝無憚勞遠調之弊八曰縱容教官私通

線索臣於所屬教官除送考值場公事當堂相見
外槩不私見竝無縱容作興之弊九曰曲徇情面
私書及親朋討情臣一情不爲人亦共知竿牘絕
跡親朋不至竝無行私之弊十曰將額外溢取童
生不入新案造入事故項下朦報禮部臣考取旣
遵定額報冊悉屬清徹竝無溢取朦報之弊此原
疏十弊臣逐一剔除者也至於慎關防拿撞棍嚴
頂冒清違碍以仰副

陛辭時防弊之

聖訓尤不敢少遺餘力又於明倫堂講書及發落日諄
諄終日曉以器識爲先文藝爲後令其返樸還淳
處爲良士出爲名臣無負我

皇上樂育人才至意但臣受

恩深重賦質疎庸雖竭蹶從事終屬職分之常祇以例
之所在不敢不自行披陳謹將剔除十弊竝行過
事實開明具

題緣係報滿事理字多溢額伏祈

睿鑒勅部議覆施行

恩訖伏念臣山右迂儒滇南下吏由臺班而視離政從
問寺以掌文衡方慮遺珠數膺

特簡一歲之餘歷廷尉副都遂至少司寇之職

隆恩異數感激涕零茲學差甫竣復奉撫浙

新綸聞

命之下徬徨莫措封疆重寄豈臣愚拙所能勝任惟有

益勵冰兢勉竭駑鈍圖報

高厚於萬一耳臣謹繕疏恭謝

天恩伏祈 睿鑒施行

巡撫浙江等處地方提督軍務刑部右侍郎加五級臣張泰交謹

題爲恭報微臣交送

勅印竝起程赴浙日期事竊臣荷蒙

皇上特恩補授浙江巡撫已經具疏謝

恩訖查學政係新舊交代無署印之例但新學臣領

勅到任尚須時日兩浙省大事繁封疆所係難以久曠

臣於正月十八日謹將坐名

勅書一道學政關防一夥差委常州府教授余恭讀齋

送江寧巡撫臣宋學驗明加封暫行收貯外臣卽

於是日自常州府江陰縣駐劄衙門起程星馳赴浙所有臣交送

勅印竝起程日期理合恭疏

題報伏祈

睿鑒勅部施行爲此具本謹題請

旨

巡撫浙江等處地方提督軍務兵部右侍郎兼都察院右副都御史加五級張泰奏謹

題爲請

旨事竊臣奉

命撫浙於本年二月十五日恭逢

聖駕臨杭十七日蒙

恩召見

訓誨諄諄無微不至臣仰窺我

皇上聖學淵深一一皆執中之理臣雖駑鈍敢不銘鐫

上諭有云爾本標兵亦要留心兵可百年不用不可一

日不備當時加訓練倘或地方有警爾有封疆之責可說書生不會用兵欽此欽遵是誠我

皇上念兩浙重地巡撫一官節鉞所係武備不可或弛卽古帝王未雨綢繆之至意也臣送

駕回杭隨傳臣標遊守千把等官宣傳

訓旨嚴加董率復限以日期親赴演武場校閱嗣據合

標兵丁沈隆瀚等齊集臣轅環跪呼籲謂去留莫定衆心恍惚且家產墳墓久在杭城撥補他郡實有遠離之苦等語又據士民施惠蒼等紛紛具呈

謂撫標兵丁查緝奸宄撲救火災此數年來全依捍衛懇請仍留等語各前來臣查臣標兵額設一千五百名康熙三十五年爲欽奉

上諭事裁去一百名至康熙三十八年奉有

上諭江南浙江俱有滿兵駐防江南浙江江西三省督撫標兵無用不便遽裁有缺不補其附近營伍缺出亦將督撫標兵撥補欽遵在案除事故兵丁出缺不補竝陸續撥補杭嘉湖紹嚴各協營兵丁共五百九十四名現在標兵止有八百零六名今隨訓隨

撥轉盼間便已一兵不留臣查浙省環山控海巡撫有居重馭輕之勢又杭城五方襍處人烟湊集匪類易生火警時有杭協水師僅足分防外邑沃地而滿兵另駐一城遇晚歸營原係坐鎮至於應援全省察奸撲火實惟臣標兵丁是賴臣愚請將現存兵丁八百零六名之數懇

恩免裁庶臂指可資捍禦有裨地方幸甚臣非不知調任撫_臣張志棟曾以省會關係甚鉅等事入告部覆無庸議在案何敢再瀆但

皇上三幸浙省洞見情形_臣跪領

聖訓

天語煌煌又何敢推諉緘默以負

聖明委任至意應否裁留伏祈

皇上睿鑒施行_臣未敢擅便謹題請

旨

巡撫浙江等處地方提督軍務兵部侍郎兼都察院右副都御史_臣張泰交謹
題爲欽奉

上諭事康熙四十一年十二月二十八日准戶部咨開
浙江清吏司案呈抄蒙本部案驗江南清吏司案
呈康熙四十一年十一月二十五日

上諭諭大學士馬奇席哈納張玉書吳璵熊賜履學士
來道鉄圖汲而湯渾色德禮滿丕劉光美王九齡曹
鑑倫各省府州縣經營錢糧官員虧空庫銀理應照
定律處分賠補其虧空霉爛存倉穀石者旣經賠完

仍行治罪似屬太過且各州縣存貯米穀甚多倉廩不能盡貯在各處分貯且南省地方又係潮濕米穀易至霉爛爾等應與九卿會議具奏欽此仰惟我聖主洞鑒下情

上諭諄切查存倉米穀年久不無虧空霉爛之虞嗣後凡官員將存倉一應米穀虧空霉爛者該督撫題叅仍照例革職留任限一年賠補賠完免罪復職如逾一年不能賠完者解任再限一年賠補賠完仍准復職如二年外不賠完者照定例擬罪著落

家產追賠可也等因康熙四十一年十二月初四日題本日奉

旨着行文各省督撫等照此議行可否之處各定議具奉欽此相應合咨前去查照
旨內事理欽遵施行等因移咨前護撫臣欽遵在案臣蒞任後伏讀

聖諭仰見我皇上留心積貯愛惜人才至意臣查存倉米穀原爲備荒實政自應加謹收貯然而霉爛不免南方尤甚

愛初堂集 卷之十
與侵那虧空者不同
皇上以既經賠完仍行議罪似屬太過
特諭廷臣議覆分別留任解任勒限賠補下吏蒙曲全
之

恩倉儲有裨益之實誠屬允當無容更議再浙江地氣
潮濕易于沍爛今雖議寬處分臣當嚴飭各屬加
意蓋藏倘不肖有司借霉爛之名侵那虧缺及留
任後有私派病民者臣卽不時查叅以仰副
睿慮於萬一耳臣謹具

題伏乞

皇上睿鑒施行

巡撫浙江等處地方提督軍務兵部右侍郎兼都察院右副都御史加五級臣張泰交謹

題爲移咨事康熙四十二年正月初三日准戶部咨

開江南清吏司案呈康熙四十一年十二月十六

日准內閣來文內開戶部議給事中徐賓條陳州

縣所存米石之事折本大學士馬奇席哈納張玉

書吳璵熊賜履學士來道常舒鉄圖汲而湯渾色

德禮滿丕劉光美王九齡曹鑑倫請

旨奉

旨預備存倉米穀關係甚要徐賓條奏之事着抄寫行

令各省督撫等照所奏應否可行之處各出意見明白議奏欽此相應抄錄條陳原疏移咨各該督撫欽遵施行等因移咨前護撫臣欽遵在案臣蒞任後伏讀

諭旨仰見我

皇上加意備荒隨地制宜至意臣查積貯米穀實民命所關年來直省偶荒若非我

皇上多方儲積督撫諸臣卽念切拯救亦必束手無策無如汜爛時聞侵那疊告科臣徐賓所以於酌量收貯之外有糶銀存庫之請也臣緣新任不敢冒昧遽

奏隨詳細諮詢查浙屬有水路可通者惟杭嘉湖紹金衢嚴七府然七府中亦有不通水路之縣寧郡雖有水道多爲壩阻台溫處俱各崇山峻嶺不通水運再查通省存貯米一十三萬四千有奇穀五十七萬一千有奇若易銀過多設遇歉歲其間舟楫可通者不難買運至于舟楫不通之處購買卽易而輓運亦艱若竟爲全貯則水鄉卑濕之地又

恐沚爛難免似應照科臣所請大縣存二萬石中縣存八千石小縣存六千石將有餘米穀糶銀解存藩庫倘遇荒歲或賑濟不敷則領銀購買州縣既有賑饑之具藩庫復有購買之資兩爲預防亦有備無患之一策也除各縣原貯米穀不敷應存之數者毋庸置議外其數過多者照大中小三則存貯將所餘米穀易銀繳貯藩庫再有米少穀多者儘其米數以穀補足米多穀少者儘其穀數以米補足如僅有穀而無米者將穀倍存至浙省現行事例青黃不接之際借給小民秋收還倉又南米一項例於夏秋停徵將積貯米石借給兵糧于冬季徵南補項科臣所請出陳易新之處無容更議抑臣再有請者科臣原疏內有照時價易銀之語但此項米穀貯倉年久不無霉蒸其值必賤恐難比照時價合併聲明緣奉

諭旨明白議奏臣謹恭疏具

題伏乞

皇上睿鑒

勅部議覆施行

諭旨因自前奉旨請奏其
 職出誤部會合得請即錄本
 清時此際未幾似會平人不無
 始時請再旨請查採引以
 各率以清所任保引則請出則
 米一更因公夏水會過洪
 神事以清費不財之烈而

巡撫浙江等處地方提督軍務兵部侍郎兼都察院右副都御史張級張泰謹

題為欽奉

恩詔事康熙四十二年五月初一日禮部八品筆帖式

三奇哈賚捧康熙四十二年三月十八日

恩詔到浙臣同署將軍印務副都統臣阿爾納副都統

胡什佈石元聲許廷臣暨在省文武各官出郊迎

至公衙門恭設香案叩頭跪聽

宣讀訖欽惟我

皇上萬壽無疆

恩膏沛於寰宇

一人有慶

洪庥徧及臣民

蠲賦省刑育才養老

恩詔到日一時紳士軍民人等扶老携幼填街擁巷莫

不感頌

皇恩咏歌膏澤臣卽刻敬送布政司膽黃刊刻分頒通

省一體欽遵奉頒

詔書一道照例交使臣三奇哈賚繳外所有欽奉

恩詔到浙日期臣謹會同督臣金世榮合詞

題報伏乞

睿鑒施行

題爲謹報遂邑水災情形仰祈

巡撫浙江等處地方提督軍務兵部右侍郎兼都察院右副都御史加五級臣張泰交謹

睿鑒事該臣看得嚴州府屬之遂安縣今歲五月初旬

大雨連綿至初八日夜十七都一畝二畝十一都

三畝等處一時蛟起山水驟發高湧數丈沿山居

民廬舍田地悉被石塊沙土壅沒而近溪田禾亦

被水衝無存據布政使郎廷極詳報前來臣仰體

皇上愛民至意檄令該地方官加意撫卹災黎毋致失

所一面批令委員確勘果否成災查明分數另疏

具

題外所有水災情形合先

題報臣謹會同督臣金世榮合詞具

題伏乞

睿鑒勅部議覆施行

巡撫浙江等處地方提督軍務兵部侍郎兼都察院右副都御史張泰謹

題爲特叅衰病臬司以重刑名事切照臬司一官爲

通省刑名總匯况兩浙地廣事繁非得精明強幹

之員不克勝任今按察司按察使于嗣昌臣自蒞

任後諄切訓誨該員亦知戒謹但其病體尪羸頻

頻告假然始猶勉強支撐自五月以來竟卧床不

起總未能出堂理事卽令醫治可痊亦難旦夕奏

效查該司衙門皆關命盜等項一切重情務必逐

件親加審核方可定案今于嗣昌抱病衰憊諸事

依樣率轉致多廢弛通省刑名重任豈卧病之員所能經理相應據實

題叅請

旨勅部議處更求

聖恩俯念浙省繁劇

特簡賢能則地方幸甚除該司印務遴委兩浙鹽運司

運使高熊徵署理外臣謹會同督臣金世榮合詞具

題伏乞

皇上睿鑒施行

巡撫浙江等處地方提督軍務兵部侍郎兼都察院右副都御史加五級張泰謹

題爲彙報旱災情形仰祈

睿鑒事該臣看得浙省衢州府屬西安龍游江山常山

開化五縣并衢州所又嚴州府屬建德壽昌桐廬

三縣并嚴州所處州府屬麗水縣今歲五月以來

旱魃爲虐秋收鮮望據布政使郎廷極詳報前來

臣仰體

皇上愛民至意隨即檄行照例緩徵加意軫恤軍民仍

飭該府縣各官修省祈禱冀得甘霖并委員確勘

果否成災查明分數另疏具

題外所有旱災情形理合

題報臣謹會同總督臣金世榮合詞具

題伏乞

睿鑒勅部議覆施行

巡撫浙江等處地方提督軍務兵部右侍郎兼都察院右副都御史_臣張泰_奏謹

題爲特叅貪劣縣令以肅吏治事竊臣奉

命撫浙恭逢

聖駕南巡跪聆

天語刻不敢忘蒞任以來惟有正已率屬與民休息凡

皇上屬員公事進見無不耳提面命至再至三務令精

白乃心恪供厥職以仰副我

皇上愛養元元至意乃有縉雲縣知縣彭延禕貪恣無

忌穢蹟彰聞據布政司布政使郎廷極署按察司

事運使高熊徵溫處道僉事修耀年處州府知府
皇上劉起龍各揭報前來合之臣訪聞無異謹臚列款
蹟爲我

皇上陳之公事
大計開
處州府縉雲縣知縣彭延禱劣蹟

本官徵收地丁銀每兩明加火耗銀二錢
紳士減少三五分用六房吏書輪管里民
朱光舜竝闔邑証

一本官爲彙報秋災等事于四十二年正月
內開倉賑濟卅四十口止散四五口餘穀
託生員李鳳毛李次白陳幼藻李玉蘭同
包頭趙惟纏發與各米舖變價每石賣銀
二錢五分本官入已稱爲部費里民趙微
仲盧兆先等証

一本官將四十一年秋災蠲免錢糧除紳士
外其餘已完者竝不清還未完者仍舊徵
比一都一甲里民陶生祿竝闔邑証

一 本官日用米肉柴薪米僅發價十之二三
坐社長派收繳米時連銀並繳肉價每斤
三分止發銀一分五厘每逢祭祀猪羊俱
不發價該縣屠戶二十餘家逃走殆盡柴
價亦虧短十之六七向山中窮民索取名
爲柴戶俱經宅門林管家並本官妾弟姓
王的收進可審受害屠戶呂舜章及社長
柴戶証

二 本官于本年四月內一件兇殺男命等事
有本縣民盧載蘋與盧樂俊爭田水相打
載蘋致死有盧茂桂因田接壤牽連詞內
餽獻本官銀四十八兩趙維躔付証

一 本官聽信蠹役丁兆貴每逢里役交替索
包比限銀六兩四兩不等每月一比又要
銀二錢四分名曰上堂包官役分肥里民

朱光舜等証

此一官者徵糧而勒加重耗賑蠲而中飽私囊遇
事則信蠹婪賍日用則恣情勒索斷難一日姑容

民上所當特疏糾叅請

旨革職與本內有名蠹犯一併嚴提究擬以肅官方者也臣謹會同督臣金世榮合詞具

題伏乞

皇上睿鑒施行

巡撫浙江等處地方提督量務兵部右侍郎兼都察院右副都御史加五級張泰交謹

題爲彙報秋災情形仰祈

睿鑒事該臣看得浙省今歲天道亢陽前據衢嚴處三府屬縣所詳報夏災經臣會

題在案乃入秋以來浙東各屬霖雨甚稀山阜田禾率多枯槁今又據紹興府屬之諸暨嵯縣嚴州府屬之淳安處州府屬之縉雲宣平五縣各報秋災實因自夏徂秋旱魃爲虐迨後雖得微雨然節氣已逾未能補救西成失望據布政使郎廷極詳報

前來臣仰體

皇上愛民至意檄令照例緩徵加意慰恤災民無致失

所并委員確勘果否成災查明分數另疏具

題外所有秋災情形理合

題報臣謹會同督臣金世榮合詞具

題伏乞

睿鑒勅部議覆施行

巡撫浙江等處地方提督軍務兵部右侍郎兼都察院右副都御史加五級臣張泰交謹

題為特叅老憊昏庸守備以肅軍紀事竊照守備一

官有操練兵馬之責必年力精壯技勇熟嫻方克

勝任茲臣標左營守備王聘履歷雖開五十七歲

其實已逾古稀年齒衰邁弓箭生疎耳目不靈營

務莫辨况臣標兵丁蒙

皇上特恩存留人人思奮但以積久渙散之營伍釐剔

整頓需人孔亟似此老憊昏庸之員實難姑容據

臣標左營遊擊唐正發揭報前來臣考驗無異所

當特疏

題叅以肅軍紀者也臣謹會同督臣金世榮提臣王

題伏乞

勅部議覆施行

題爲

巡撫浙江等處地方提督軍務兵部右侍郎兼都察院右副都御史加五級臣張泰交謹

聖治已極隆平等事該臣看得部議臺臣王一條奏各
款臣准部咨隨將地丁漕項應于申票內註明分
別徵收一款轉行一體欽遵外其南糧放給兵糧
之時核查兵籍給與印檔撥赴附近州縣自領酌
與往來脚價之費有無悞于防守并有無實益于
民間之處轉飭確議具詳去後今據布政使郎廷
極行據各府屬縣議詳前來臣等會查浙省各屬

額徵南秋等米撥給駐防滿漢旗營以及綠旗官兵糧米內寧衢嚴溫處五府均有駐鎮營分向撥本地米儘給不敷又撥附近屬縣湊支嘉湖紹台金五府除就本地動放各協營外盈餘俱令撥解省倉以供滿漢旗營支用其杭屬之米俱支會兵精總以兵額米數多寡營縣道路遠近酌盈濟虛通融協撥歷年布政司造冊通詳臣等核定飭行遵照徵給向來駐鎮縣分之米均係給檔關支撥協隣邑者各營自差隊目領回分散營縣相安兵民無擾至一切陋規久已革除臣等仰體我

皇上愛民德意又嚴加禁飭務絕弊竇今臺臣疏請核查兵籍給檔自領給與船脚之費等語查設兵所重防汛未便輕議遠離且浙省兵精向係縣徵營領相沿已久士卒飽騰防守無悞設如逐兵給檔自領不惟汛守虛懸抑恐藉以生釁貼費徒增于民無益所當仍循舊例無事更張者也臣謹會同督臣金世榮合詞具

題伏乞

勅部議覆施行

巡撫浙江等處地方提督軍務兵部右侍郎兼都察院右副都御史加五級張泰交謹

題爲理財用人等事該臣看得石門縣知縣張廷采
前任龍游縣令才猷敏練素著循聲經前撫臣張
敏循例會

題調補石邑今據布政使郎廷極詳稱石邑地處衝
繁事務冗劇張廷采自調任以來積弊盡除殫心
振刷慈祥敷政潔已愛民且催科革耗民樂輸將
是以任內經徵帶徵錢糧全完無欠洵屬才能之
員允符卽陞之例該令自康熙三十八年十月二

十日到任至今已越三年造具事實清冊加具保
結詳請具

題前來查定例內開調補之官三年內果能將經徵
帶徵錢糧全完并興利除害有益民生之處該督
撫據實具題准其卽陞等因臣查張廷采才守兼
優調繁石邑興利除害有益民生今任內經徵帶
徵錢糧全完無欠益見催科有法洵爲循良稱職
之員與卽陞之例相符相應循例保

題倘蒙准其卽陞不但良吏爭相鼓舞卽凡庸者亦

知所効勉矣除冊結分送部科外臣謹會同督臣
金世榮合詞保

題再照原准部咨註語未經全錄合并陳明伏乞

皇上睿鑒

勅部議覆施行

巡撫浙江等處地方提督軍務兵部右侍郎兼都察院右副都御史加五級張泰交謹

題爲請

旨事該臣看得浙省撫標裁存兵丁經臣請留荷蒙
皇上俞允士卒歡呼頂頌臣凜遵

聖訓時加校閱并嚴督將領日事操練務俾技勇嫻熟
營伍整飭不容虛糜糧餉上負

天恩惟查臣標原額兵一千五百名內該馬戰兵一百
五十名除先後遵奉裁汰外僅見存兵八百六名
內止有馬戰兵五十名請照營額馬一步九之例

應該馬戰兵八十一名今現存外尙少三十一名
需馬三十一匹營兵巡防差操必得馬匹以壯軍
威今所需之馬不敢請動正項錢糧購買臣同各
司道遊擊共勦捐俸照數購補發營差操其馬戰
兵卽于步戰守兵內考驗拔補庶營伍建威而巡
防有賴矣臣謹具

題伏乞

睿鑒勅部議覆

巡撫浙江等處地方提督軍務兵部右侍郎兼都察院右副都御史加五級臣張泰交謹

題爲欽奉

上諭事該臣看得安民必先除累課吏端在養廉我
皇上盛德如天湛恩匝地猶宵旰憂勤無刻不以民生
爲念雖堯舜咨傲何以加茲臣接到部文恭繹
諭旨愛養黎庶與體恤羣臣兩義竝到無微不至
聖恩至此真亘古所未有也臣知識短淺何能仰贊
高深但伏念

國家賦稅量入爲出定有常經損上以益下固出

愛禮堂集 卷之十一
聖主之弘仁此絀而彼盈亦關軍民之利害也
國之大計臣查兩浙歲徵額賦二百九十二萬六千
兩有奇若以九分作正一分作支應歲給銀二十
九萬二千六百兩有奇除巡撫以下州縣以上歲
給俸工銀七萬二千餘兩外較之原編經費計每
歲多支銀二十二萬兩有零矣實於正賦過虧若
夫火耗之禁定例甚嚴違者卽繩以法百爾臣工
身司民牧自應潔已奉公仰報

皇上格外之賜予揣分捫心其何以安且各省情形原
自不同如平陽知府馬朝瓚所奏大州縣錢糧多
者火耗一分數厘其小州縣錢糧少者至二分以
上概定一分爲各官養贍家口等語此就其守土
而言苦浙省向來徵收錢糧知縣中恪遵
功令竝無分毫加耗者亦不乏人而每兩或多取二三
分不等者

聖明在上亦不敢飾以爲無然臣不時嚴飭亦各知兢
惕加一火耗之說浙省官員從未曾有固久在
皇上洞鑒之中旣不敢多取之間閭而又何敢妄希夫

國帑馬朝瓚所奏之處似無容贅議者也臣謬荷封
疆民生吏治敢不兢兢但管窺無補殊切悚惶謹
遵
旨自出愚見恭疏密

題伏祈

皇上睿裁施行

巡撫浙江等處地方提督軍務兵部右侍郎兼都察院右副都御史加五級臣張泰交謹

題爲欽奉

上諭事該臣看得州縣官員與民最親若處以衰庸之
材地方必致貽悞我

皇上御極以來吏治民生時厯

睿慮茲復特頒

諭旨州縣中有衰老殘疾者盡行查明革退臣准到部
咨遵行確察去後今據布政使郎廷極會同按察
使李法祖詳稱杭湖等十府覆稱所屬州縣竝無

老病之員惟嘉興府屬海鹽縣知縣尹之達據該
府知府張鳳翔揭報年逾古稀精力衰憊難以供
職轉揭具詳前來臣復察訪無異謹會同督臣金
世榮合詞具

題請

旨革退所遺員缺另候銓補伏乞

皇上睿鑒施行

巡撫浙江等處地方提督務兵部右侍郎兼都察院右副都御史聖級張泰謹

題爲糾劾八法官員以肅

計典事竊惟察吏乃可安民揚清必兼激濁我

皇上濬哲文明至德廣運吏治民生無不日切
宸衷而三載考績尤爲黜陟

大典屢奉

天語申嚴炳如星日臣奉

命蒞浙力綿任重夙夜不遑惟有廣宣

德意以圖報稱時與屬員反覆告誡務必奉公守法潔

已愛民仰副

皇上澄清官方至意查康熙四十二年應屆

計典之期臣與督臣金世榮蒞任未久誠恐採訪不逮
是以具疏

題明于四十三年舉行業准部覆在案茲當屆期矢
公矢慎留心稽察除州縣中有年老衰庸者先已
遵

旨劾退又監守不慎錢糧混淆者亦經糾叅解任外尙
有貪殘自恣不知顧忌以及疎庸衰廢有干八法
者共計方面有司佐雜教職四十一員臣察訪與
確合之布政司布政使郎廷極按察司按察使李
法祖寧台道叅議胡承祖護理溫處道事處州府
知府劉起龍運使高熊徵杭州府知府張恕可嘉
興府知府張鳳翔湖州府知府陳一夔寧波府知
府盧承恩紹興府知府周恂台州府知府閻承詔
署金華府事衢州府通判王廷奏衢州府知府李
雲龍嚴州府知府佟淮年溫州府知府裴國楨處
州府知府劉起龍等各官揭報相符謹遵例八法

通爲一本開列款蹟臣謹

題參伏乞

皇上睿鑒勅下該部院核覆議處施行

巡撫浙江等處提督軍務兵部侍郎兼都察院右副都御史加五級張泰交謹

題爲特舉卓異官員以重

計典事竊惟奉公盡職固臣子之常經而舉善旌能尤

國家之鉅典我

皇上聰明天縱知人則哲遠邁前古大小臣工悉在

照臨之內臣奉

命撫浙時與屬員諄諄告誡苟能仰體

聖心潔已愛民克盡厥職决不沉埋下寮亦旣共相黽

勉矣康熙四十二年適屆

計典之期臣與督臣金世榮蒞任方新採訪未逮是以
聖訓具疏

題明于四十三年舉行業准部覆在案茲當屆期矢
公矢慎不敢稍有苟且疎忽除平常稱職者例不
造冊有干八法者另疏叅劾其或才守可稱而歷
俸尙淺及有望碍者亦不敢濫舉外今將才守兼
優政績素著竝無過誤與例相符者特疏列薦據
布政司布政使郎廷極按察司按察使李法祖杭
州府知府張恕可署金華府事衢州府通判王廷
奏各官開報杭州府理事同知多永俄等四員前
來與臣見聞無異除遵照

新例給咨赴部聽候引

見外所當薦舉以備擢用者也臣謹具
題伏乞

皇上睿鑒勅下該部院核覆施行

上諭巡撫浙江等處地方提督軍務兵部侍郎兼都察院右副都御史加五級臣張泰謹

題為

皇仁廣被無涯浙省感頌倍切公請轉詳代

題叩謝

天恩事欽惟我

皇上德竝生成

功參化育

深仁厚澤合東西南朔以懷柔

復性遂生極侯甸要荒而漸被尤且

車駕經臨民隱悉通乎

黼座

絲綸疊沛

湛恩屢逮于窮簷固已

天和協應地順呈祥矣顧茲兩浙爲財賦之會而三吳

乃耕織之區十雨五風旣喜春蠶大有一莖兩穗

更欣秋稼豐盈兼之河海晏清實則商民樂業茲

奉

上諭康熙四十四年浙省地丁銀米俱行蠲免仍令訓

誠小民守分節用臣准到部咨隨即出示遍諭務

使窮鄉僻壤家喻戶曉并轉飭所屬有司一體欽

遵在案伏念

九重之渙汗頻頒莫非以富以教萬姓之瞻依倍切何

啻雨粟雨金於是黃童負襁隨父老以歡呼白叟

扶筇偕孫曾而忭舞吹豳以祝彙呈

萬壽之章擊壤而歌永戴

一人之賜凜守分之

天語人盡淳良遵節用之

綸音戶皆殷阜誠拜颺之恐後洵感激而難名據布政使卽廷極都司繆肇祺詳報闔省紳士軍民連名籲謝前來不敢壅于

上聞理合恭疏代謝
天恩臣謹會同總督臣金世榮合詞具

題伏乞

皇上睿鑒施行

巡撫浙江等處地方提督軍務部侍郎兼都察院右副都御史張壽鏞張壽鏞

題爲特叅篤疾縣令以肅吏治事竊惟縣令一官事務繁劇必得精明強幹之員方克勝任臣仰體我皇上澄清吏治至意

計典之後尤加意體察茲有湖州府德清縣知縣朱襄貞兩腿久病始猶勉強支撐今則不能動履三月以來卧床不起政事率皆廢弛衙役漫無管束似此病廢之員貽悞地方實難姑容據布政使卽廷極按察使李法祖署湖州府事本府同知解鏞揭

報前來合之臣察訪無異臣謹會同督金世榮合

詞

題叅伏乞

皇上睿鑒勅部議處施行

巡撫浙江等處地方提督軍務兵部右侍郎兼都察院右副都御史加五級張泰交謹

奏為恭謝

天恩事康熙四十四年二月二十日據提塘官宋德震

領到

欽賜古文淵鑑一部到浙臣出郊跪迎至署恭設香案

望

闕叩頭祇受訖欽惟我

皇上聖功日躋

文運天開

受永堂集 卷之一
典謨傳心滙百家於淵海

緝熙懋學披萬卷於藝林爰自多而擇精乃遂久而
成帙冠之

御筆卓矣振古爍今兼採諸評燦然輝雲映日所謂文
章之煥不讓中天而纂述之勤大開萬世者也不
謂

天貺下及微臣遂令

藜光得照寒暑臣昔僥倖一第筮仕原非學優從今
簿案餘閒退思不忘稽古不啻啟愚衷之聳贖而

廸以聰明有如親

聖主之斧戾而聞厥

提命焚香伏讀莫增仰贊之詞稽首拜登永作世藏之
寶臣無任頂

恩懼忭之至謹恭疏奏

謝以

聞

巡撫浙江等處地方提督軍務兵部侍郎兼都察院右副都御史張泰交謹
 題為洋盜已經招撫年限應請從寬仰懇
 聖慈銷案以廣

皇仁事臣查地方失事定例先叅疎防將文武官弁職
 名分別任罰勒限一年緝賊如限滿不獲州縣印
 捕專汛兼轄各官分別降級罰俸倘仍不獲再限
 查緝照案叅處此成例也惟是浙省瀕海地方邇
 年盜艘在洋行劫商漁受害臣甫蒞浙

題叅寧台溫等屬疎防者計共四十餘案俱准吏兵

聖祖集 卷之十一 諭旨 三
但海洋不靖蒙我商民受害困苦請
聖祖集 卷之十一 諭旨 三

皇上念切地方 特遣大臣招撫
德威遠播沿海匪類莫不改過自新傾心向化願爲兵
皇者入伍願爲農者歸籍又臣閱邸抄廣東颶風擊
聖祖集 卷之十一 諭旨 三
破盜船溺死者實繁有徒以故浙江去歲海波寧
聖祖集 卷之十一 諭旨 三
諡遂至盜案全無商漁樂業臣思招撫之盜卽係
以前行劫之徒盜已招撫從何再緝我

皇上鑾輿所至赦過宥罪歡呼載道此等限緝官員照
例叅處情有可原伏祈

皇上特賜矜全將招撫大臣復

命以前沿海盜案免其緝拿則海濱各員頂感靡涯矣
臣更有請者某案招撫與某案行劫是否符合原
應條分縷晰但入伍回籍已經安插若令各省紛
紛互相提質不無擾累且營求囑託亦未可定此
自在

聖明洞鑒之中無容臣之多贅也伏乞

皇上睿鑒施行臣未敢擅便謹題請

旨

巡撫浙江等處地方提督軍務兵部侍郎兼都察院右副都御史加五級臣張泰交謹

奏為恭謝

天恩事切臣撫浙三載漫無一長中夜徬徨慚懼交集

恭遇我

皇上閱視河工指示善後方畧

俯念浙民望幸之請

俞允臨浙臣迎至揚州塔灣隨

駕至蘓蒙

恩賜玻璃寶器八種硯一匣墨二錠羊三牽乳酒乳餅

受補堂集 卷之十
哈密瓜鹿尾鹿舌鹿條魚糟雞諸異味
鑾輿至杭又

賜臣受祐堂大字一幅疆連吳越勤宣撫地有湖山樂
拊循對一聯督撫箴一幅

駐蹕杭州五言律詩一首幅六畧
回鑾至蕪又

賜臣皇輿表一部雲栖詩扇一握大硯一方團龍袍一
件套一件帽一頂靴襪各一雙又每

膳必嘗克食

天恩優渥有加無已歡忭之餘繼以惶悚且

顧問頻頻吏治民生無一不厯

下詢又

念臣尚未有子

溫旨謂如爾這樣好人天自然與爾好兒子臣叩頭感
激不禁欲泣臣勿而讀史每羨古昔明良之盛爲
遭逢所難覲不意謫劣如臣仰荷

聖主優容真如家人父子恩勤顧復至于此極也身非
木石寧敢上負

隆恩雖目力不及亦惟有勉竭駑駘以圖報稱于萬一

耳臣謹恭疏入

奏謝伏乞

皇上睿鑒施行

巡撫浙江等處地方提督軍務兵部侍郎兼都察院右副都御史加五級張泰交謹

題為敬陳海關利弊等事該臣看得浙江海關監督

朱蘭泰

題請將江南浙江二海關并為一關每年可增稅銀

二萬兩部議以可否增銀有無裨益商民之處應

令江浙巡撫會同江浙海關監督確查明白具題

到日再議臣接准部咨隨即移行確議去後今據

署浙江布政司事寧台道叅議胡承祖詳稱此案

准浙江海關監督朱蘭泰移稱浙江乍浦與江南

愛初堂集 卷之十一 不并海關二 九十一
上海口岸相近棍徒船戶行家包攬代交稅課互指挾捕致兩關爭相減稅正賦必虧若并而爲一則積弊剔除

國課可增等語而江南海關監督常勳以包攬代交諸弊惟在執法稽查誰肯爭相減徵自貽缺額之患若并關增額則驟加重徵恐商民聞風裹足且兩省沿海地方寫遠口岸數十勢必顧此失彼竝無裨益等語今查江浙自開海設關以來稅額無虧商民稱便未敢輕議更張且江浙兩洋北距登萊南連閩廣其間口岸繁多若并爲一關實難兼顧如假手吏役更易欺瞞滋弊而商民忽聞增課畏縮不前似非柔遠懷來至意仍應照舊徵收等因前來臣謹會同江寧撫臣宋犖覆核無異謹合詞具

題伏乞

勅部議覆施行

巡撫浙江等處地方提督軍務兵部右侍郎兼都察院右副都御史加五級臣張泰謹

奏爲

聖恩難報臣病莫支懇

賜回籍調理以圖後効

特簡賢能以重職守事竊臣一介書生荷蒙

皇上高厚由江南督學一歲四遷驟躋今職

隆恩異數受自臣身卽捐糜頂踵何能仰報萬一蒞任

之初欣逢

翠華幸浙跪聆

聖訓三載於茲奉爲兢兢今夏

駐蹕西湖蒙

天語褒嘉且

問臣目疾

念臣子嗣從古明良遇合未有家人父子至此極者也

臣惟有竭盡駑鈍勉圖報稱而已乃不意力小任

重福至災生臣生長西北不耐南方酷暑六年來

入夏卽病而今歲更甚霍亂頻作大吐大瀉遂致

脾胃兩傷又加以胸膈疼痛之症至七月而瘦損

過半骨立如柴八月監臨文場飲食日減九月病

勢更沉十月考校武闈左右扶掖勉強竣事榜發

之後遂至卧床痰唾不絕心胸攪亂晝夜呻吟不

能自主至廿五日又復大吐神昏氣弱僅餘奄奄

一息醫者謂六脉俱虧所恃者惟命脉一綫耳必

得靜養多日始可望痊臣年五十有五矣齒尙未

衰何以一病半載遂憊至於此或者加意調攝尙

可有生但巡撫非養病之官浙江巡撫尤非養病

之地况一切案件俱關緊要非卧病之人所能辦

理仰祈

皇上另簡賢能臣懇

聖慈俯准臣回籍調理倘服本鄉水土轉危爲安不至

卽填溝壑則後此犬馬之年皆竭力報

國之日也再查定例巡撫患病總督驗明其題如無

總督之省巡撫自行具奏等語茲督臣金世榮駐

扎聞省是以臣自行具

奏合竝陳明臣謹迫切具奏伏乞

皇上睿鑒施行

巡撫浙江等處地方提督軍務兵部侍郎兼都察院右副都御史加五級臣張泰謹

奏爲恭謝

天恩竝瀆陳微臣病勢情形仰懇

聖慈垂憫事康熙四十四年十二月初七日奉

旨差來內閣中書噶爾泰口傳本年十一月十八日大

學士馬齊西哈納張玉書陳廷敬內閣學士阿世

坦拉都渾赫壽舒蘭二格蔡升元彭會淇啟奏折

本巡撫張泰交患病乞休事奉

旨張泰交病狀如何爾衙門差曾能中書一員乘驛往

宋祁集 卷之一
九
看去時不必緊急等因欽此欽遵到臣臣不能出迎
卽于臣內署扶掖俯伏恭接訖伏念臣一介微軀
具疏告病蒙我

皇上不卽賜罷斥

特遣官馳驛來杭看視

高天厚地真同罔極跪迎之頃涕泗滂沱不能自己臣
目疾而外生平無病乃年未衰朽抱此沉疴總因
不服南方炎熱所致自十月廿八日拜疏之後十
一月初八日強起出堂親審命盜數案遂復大傷

十二至十五日病勢危急家人環泣辦理後事至
十八日仰賴

皇上洪福生機復轉連服十全大補之劑幸而受補漸
有起色乃十二月初三日又復大吐一次雖此番
胸膈不痛較前稍輕而氣弱痰湧粥食亦難下咽
此目前情形也地方事務緊要臣雖力疾卧理誠
恐昏愎之餘一有貽悞辜負

聖明委任至意仍祈

皇上俯允前疏准臣回籍調理

弘恩出自

聖慈臣謹具

奏伏祈

皇上睿照施行



大正